

Namittag-am-haubi-drüü-Bluus

Handwritten musical score for "Namittag-am-haubi-drüü-Bluus". The score is written in G major (one sharp) and 3/8 time. It consists of two staves of music. The first staff has chords Em, Am, and D7. The second staff has chords G, Em4#, and Em. Below the second staff is a guitar fretboard diagram for the Em4# chord, showing the 4th fret on the 2nd string.

D'Sunne schynt uf d'Fäischtersimse,
wo's keini Granium druffe het,
nume Flöige wo uf em Rügge lige.

D'Särviertochter chätschet am Zeigfingernagu
u luegt sech i'r Chromstahlkante
vom Musigoutomat.

E Ma trinkt us em ne dicke Glas,
dräit sächzämau ds Biertäuerli um,
verrysst 's u zaut u gorpset u geit.

D'Särviertochter het itz dr Nagu ab,
aber es bysst se no gäng, u
si geit zur Tür, wo's druff heisst Damen.

Itz schlat's drü, u d Sunne schynt nümm,
dr Luft schlat d'Türe zue, wäj't
d'Flöige vom Sims, u dusse ruuschet's.